

Chansson ai comensada

Tinc cançó començada

I

Chansson ai comensada  
que sera loing cantada  
en est son vieil antic  
que fetz n'Ot de Moncada  
anz que peira pausada  
fos el clochier de Vic.

II

E per tal l'ai moguda  
que guerra m'es creguda  
de Mon Sogr'ab front pic,  
et er per loing saubuda,  
q'ieu non tem gab ni bruda  
de nuill mon enemic.

III

Ja Dieus noca·m don Poilla  
ni·l fort castell d'Anoilla,  
ni·l palaitz d'Ostalric,  
s'anz que chant la granoilla  
no·il trac vieich e la coilla  
del bisbaz fals mendic.

IV

Per Dieu, be·m tenc per rosa  
si l'anel e la crosa,  
pois es mon enemic,  
no·il tuoill abde sa bosa,  
don tantz conz enterrosa,  
ab un palm de l'espig.

V

Tota nostra lei torba  
est bisbatz nas de corba  
ab son malvatz prezic;  
tant fort fot et encorba,  
so·m dis Girautz de Jorba,  
Bernarda mieichpartic.

VI

Morta fora si·l metge  
non fos que venc d'Usetge,  
qe·l menjan li cosic;  
tal colp li det sotz petge,  
c'a pauc no·il parec fetge,  
que caubra·i un bertic.

Berguedà, Guillem de. *Les poesies del trobador Guillem de Berguedà*. Per Martí de Riquer. Quaderns Crema 1996 Pàg. 140